

աշխատանքները, լքում այն վայրերը, որոնք նրա ծնունդն են տեսել: Ուզում է երկիրը քանդակել ըստ իր երազի: Գաղափարներ է ստեղծում, իրագործում է:

Տիրող դիտությունը բնական դիտություն է: Նա զննում է իրերը, կշռում, չափում, շօշափում, որոնում է մեծությունների, ծանրությունների եւ երկրաչափական յորինուածքների արժէքները: Այդ դիտությունը կանգ է առնում իրերի մակերեսի վրայ, նիւթի ձեւաւորումների, Փիղիքական երեւոյթների ենթադրեալ անչարժութեան եւ օրդանական փոփոխությունների վրայ: Նա դրական է եւ փորձնական:

Եւրոպացու գլխաւոր մտահոգութիւնը կեանքի նիւթական կազմակերպութիւնն է հանդիսանում: Դրամի չափադանցութիւնը եւ պահանջները չափադանցութիւնը մղում են նրան ընկերային անտեսականութեան: Գիւղերի եւ քաղաքների նիւթական հիմքերը անդադար փոփոխութեան են ենթարկուած:

Եւրոպան բնականաբար ենթարկուած է ժառանգական ազդեցութիւնների: Դժուար է բնորոշել այդ ազդեցութիւնները. սակայն, մօտաւորապէս կարելի է ասել, որ Յունաստանը կանոնաւորել է նրա իմացականութիւնը, Հռոմը կազմակերպել է երկիրը եւ քրիստոնէութիւնը հնարաւորութիւն է տուել անհատական գիւտերը ի սպաս զննել համաշխարհային կեանքին:

Այդ ամէնը տեղի է ունեցել պատմական եւ ընկերային փոփոխութիւնների ընթացքին, դարձնուել է երկրորդական ազդակների մըրճահարման տակ, անհատների կամքի դէմ ու նրանց օժանդակութեամբ, կամաց-կամաց, ճակատադրականօրէն: Այսօր, այդ խառնուրդը, զանազան մետաղների այդ հալումը այլեւս տեղի է ունեցած, եւ եւրոպական մտայնութիւնը ներկայանում է աշխարհին իբրեւ տիրական, գործող մի ուժ, որը անկարելի է անտեսել:

\* \* \*

Ամերիկան ընդօրինակել է Եւրոպան, ինչպէս ժամանակին Հռոմը ընդօրինակում էր Հելլադան:

Այստեղ ամէն ինչ մեծղիանում է, սրւում, ձգտում դէպի փարթամը: Հսկայ այդ հնոցի

մէջ՝ տեսութիւնները, երեւակայութիւնները, դրութիւնները, ցեղերը եւ կրօնքները ենթարկուած են ելքաւոր. մեծ հոսանքներին, ճեծուած ջղային եւ բուռն գործունէութեան զարբնոցների մէջ, փոփոխուած ահաւոր մեքենաների գործնական փնտռումների ընթացքին: Բօրսան կանոնաւորում է ամենօրեայ կեանքը: Մեքենական ինքնաշարժութիւնը կըլանում է ողին: Սորանարդ եւ անկիւնաւոր ձեւերը խմորում են հողին ըստ հսկայ նաւամատոյցների, կաւախառն ճանապարհների եւ երկրաչափական քաղաքների պատկերին:

Այստեղ Եւրոպան զաւարում է իր բազուկները, արտացոլում կուռ հայելիների մէջ եւ ցաւազին ծամածուութիւններ անում: Հեռաւոր Փարիզը սողում է, մէջքը ծռում, բաժանում եւ Լոնդրան վազում է ճերմակ երկաթի դծերի վրայ, մանկական խաղալիքի նման: Մարդիկ աշխատում են ըստ մեքենաների տրոփումին: Նրանց սիրտը եւ ուղեղը լարուած են ժամացոյցների նման. նրանց ձեռքերը հետեւում են յօդաւոր սնակներին, իջեցըրած շրջանակներին եւ ծայրամէտ դծերին: Մարդը մաս է կազմում հսկայ մեքենայութեան, որ սահում է ողորկ մակերեսների վրայ, դանդաղում լուսարձակ նշանների առջեւ. դզրդալով շարժում եւ կանգ առնում կուրօրէն՝ պողպատէ յայտնութիւնից դուրս նետուած անյայտի առջեւ:

Օգտակարութիւն:

Գերազոյն եւ ամբողջական օրէնք, ճարտարապետների կանոն, ընկերային խենթութեան ընկեցում, քարէ հաց՝ պողպատէ ակունների տակ ճգմուած: Օգտակարութիւն:

Եւրացած, նախանձոտ Եւրոպան սարսափով նայում է, թեւերը բաց անում սաւառնակների առջեւ, բանակցում, պարան նետում իր թանգարաններում կանգնած նաւերին, փոփոխում, այլակերպւում, եղունդները սրում, աշխատում մօտենալ այդ նոր աշխարհին, որ դուրս է նետել իր ուղեղից, տատանում, երեւում եւ սրտմտում է:

Երկու այդ աշխարհները կիրառում են նոյն սկզբունքները:

Նոյնանման մտայնութիւններ: Թանձրաքարտէ տուներ եւ թղթի վրայ նկարուած պար-